



INATSISARTUT

**Aningaasaqarnermut Nunamullu
Namminermut Naalakkersuisoq
/MAANI**

Ulloq: 27. juni 2013
J.nr.: 01.31.06/13-00624

Aningaasaqarnermut Akileraartarnermullu Ataatsimiititaliap pingasunngornermi ulloq 26. juni 2013-imi aalajangiineranik Naalakkersuisunut ilisimatitsineq (suliaq nr. 01.31.06/10-00624)

Missingersuutitut sunniuteqanngitsumik kontomi pingaarnermi 50.01.18, ingerlatsineranut isumaqatigiissutit tunisassiorfiit, aningaasanik sinneruttunik nuussineq

Naalakkersuisut **inassuteqarput**.

- Kontomi pingaarnermi 50.01.18 Ingerlatsinissamik isumaqatigiissutit, tunisassiorfiit (tapiissutitut aningaasaliissutit) missingersuutitut tapersiissut tapersiissummut ilanngunneqartumut allanngortinneqassasoq.

Aningaasaliissutit sinneruttut 5,467 mio. kr.-inik annertussuseqartut siunertamut missingersuutitut tapersiissummi ilanngunneqartumi allaaserineqartumut atorineqassasut.

Aningaasaqarnermut Ataatsimiititaliap oqaaseqaatai

Missingersuutitut ilanngussap pigineqareersup missingersuutitut ilanngussamut allannguummik iluarsisamik ulloq 19. juni nassiunneqartumik taarserneqarnissaa Naalakkersuisut kissaatigaat. Missingersuutitut ilanngussaq nutaaq aalajangikkamut matumunnga ilanngussatut ilanngunneqarpoq.

Ataatsimiititaliap itisiliissutaasumik apeqqutaanut Naalakkersuisunit akissummik tigusaqarnissani siunertaralugu Aningaasaqarnermut Ataatsimiititaliap suliami aalajangiinissani ulloq 12. juni ataatsimiinnermini kinguartippaa. Naalakkersuisut akissutaat ulloq 19. juni ataatsimiititaliamit tiguneqarpoq.

Kiffartuussinissamik nutaamik isumaqatigiissusilornikkut kontomi pingaarnermi matumani aningaasaliissutitut atugassiinissaq Namminersorlutik Oqartussanit kissaatigineqarpat kontomut pineqarnermut matumunnga oqaasertaliussaq naapertorlugu Aningaasaqarnermut Ataatsimiititaliamut akuerineqarnissamik suli qinnuteqartoqarniarpoq Naalakkersuisut allakkaminni paasissutissiissutigaa. Tamanna ataatsimiititaliamit naammaginatutut isigineqarpoq, tassami missingersuutitut ilanngussami oqaasertat allanngornerisigut oqaasertaliussap oqaasertai avaqqunneqarsinnaanngimmata.

Missingersuutitut ilanngussami iluarsisami aningaasaliissutitut tunngavigineqartut suli annertupput, taamaattorli illoqarfinni mikinerni nunaqarfinnilu aalisarnermi piniarnermilu

sulisusaqassutsit suliassaqaassutsillu siuarsarneqarnissaasa qulakkeerreqarnissaasalu suli aallunneqarnera eqqarsaatigalugu akuerineqarsinnaallutik.

Greenland Venturep maanna siunissamilu pigineqarneranut kiisalu tassunga atatillugu Royal Greenlandip inissimasinnaaneranut naatsorsuutigisat pillugit nassuiaammik ataatsimiititaliaq piumasaqarpoq. Kiisalu tunisassiorfiit siusinnerusukkut Namminersorlutik Qartussat aammalu Arctic Green Food A/S-ip akornanni kiffartuunneqarnissamik isumaqatigiissuteqarfigineqartut eqqarsaatigalugit 2013-imi 2014-imilu kiffartuussinissamik nutaamik isumaqatigiissutaasinnaasunut Naalakkersuisut qanoq naatsorsuutiginninersut itisilerneqassasoq ataatsimiititaliamit kissaatigineqarpoq. Apeqqutit taakku Naalakkersuisut allagaanni 19. junimi tiguneqartuni ajoraluartumik nassuiaatigineqanngillat. Taamaattumik Greenland Propertiesip tunisassiorfiit ulloq 16. junimi Royal Greenlandimut tunereersimagai ataatsimiititaliap Sermitsiami nr. 25, 21. juni 2013-imeersumi paasimmagu naammaginangilag – paasissutissat Naalakkersuisut allakkanik Aningaasaqarnermut Ataatsimiititaliamut nassiussinermikkut Naalakkersuisut pigisimasaat.

Siuliani allassimasut tunngavigalugit ataatsimiititaliaq matuma kingullangiittunik apeqqutissaqarpoq aammalu Naalakkersuisunit tamanna kissaatigineqassappat akisutip tamanut saqqummiunneqartussaangitsutut suliarineqarnissaanut piareersimalluni:

1. Greenland Venturesip Greenland Propertiesimik tigusinera qanoq akeqarpa?
2. Royal Greenland tunisassiorfinnut qulinut taakkununga Greenland Venturesimut qanoq akiliiva?
3. Kontomi pingaarnermi matumani aningaasaliissutit atugassiissutigineqarneranni Naalakkersuisut 2013-imut qanoq naatsorsuutigisaqarpat?
4. Kontomi pingaarnermi matumani 2014-imi ukiuniluunniit missingersuusiorfiusuni – 2014-imut aningaasanut inatsisissatut siunnersuummi imalunniit UKA 2013-imi allannguutissatut siunnersuut aqcutigalugu - aningaasaliissutinik immikkoortitsisoqarnissaa naatsorsuutigineqanngitsaq Naalakkersuisut upernarsarsinnaavaat?

Naggataatigut ataatsimiititaliamit erseqqissaatigineqassaaq missingersuutitut ilanngussaq ulloq 19. juni nassiunneqartoq kukkuneqarmat.

Aningaasaqarnermut Ataatsimiititaliap aalajangiinera

Siuliani allassimasutut paasinnillutik Naalakkersuisut inassuteqaataat Aningaasaqarnermut Ataatsimiititaliap akuerai.

Apeqqutitut siuliani allassimasunut Naalakkersuisut akissutaata kiisalu missingersuutitut ilanngussap iluarsisap kalaallisut danskisullu kingusinnerpaamik ulloq 31. juli 2013 tiguneqarnissaat ataatsimiititaliamit naatsorsuutigineqarpoq qinnutigineqarlunilu assilineqarnera qarasaasiakkut uunga nassiunneqassasoq: julie@inatsisartut.gl.

Ataatsimiititaliaq sinnerlugu


Finn Karlsen